

de la Mine, pour rendre raison a vn chacun de cè qui luy appartenoit, & en cas de differents y estre Iugez au Siege General de l'Admirauté de France à la Table de Marbre du Palais à Roüen, priuatiement a tous autres Iuges du Royaume, & par appel au Conseil Priué de sa Majesté, ce qui y fut si bien obserué qu'on ny rendit iamais de Iugement qui ne fust confirmé par sa Maieité, où d'ordinaire elle assistoit elle-mesme en personne.

Cette traitte ainsi deuenüe celebre, & de ce temps-là donnant esperance de l'habitude, conqueste & Domination du Pays, & de meritter le nom qu'il portoit de Nouvelle France.

Il y eust des plus grands Seigneurs du Royaume qui desirerent en estre pourueus, comme auoit esté le sieur de Monts, de la mesme qualité de Viceroy & pouuoir qui en despendoit, dont les lettres & articles accordez par sa Majesté Louys XIII. furent leus en nostre Siege General de l'Admirauté de France à la Table de Marbre du Palais à Roüen. D'où il ne reussit pas de grands effects, & madame la Marquise de Guereheuille premiere Dame d'honneur de la Reyne Mere Regente Marie de Medicis, en prist & fist vne fiesse du Roy relevant au Chasteau du Louure depuis le 40. degré iusques au 46. en Canada, pourquoy elle fist faire vn bon & notable embarquement à Honnefleu en Normandie pour y en aller prendre possession sous la conduite du sieur de la Saussaye le Coc qui en fut l'Ammiral & le Sr le maistre fort homme de bien & notable marchand de Rouën, qui fut preposé a en faire la charge, & dresser l'equippage, où il y auoit vn grand nombre de Peres Iesuistes dont les lettres de fiesse le pouuoir & le congé furent verifiez a mon rapport en nostre dit Siege, le 28. Ianuier 1613. Mais au lieu d'aller de droicte routte faire descente a Quesbec port Royal ou autres & autres ports & habitations ordinaires des

François